

Årsmelding for året 2016



Styret

Styret i rideklubben har bestått av:

Leiar: Edle Holmin

Nestleiar: Ida Kristine Standal

Kasserar: Linn Wangen Mork

Sekretær: Karin Vatnehol

Styremedlem: Rakel Skram Aasen

Styremedlem: Andreas Eikrem

Vara: Mukta-Sofie Midtflo

Ungdomsrepresentant: Randi Mork

Styret har i alt hatt 8 styremøter i 2016.

Vi har ikkje hatt ei aktivitetsgruppe dette året, så styret har teke seg av desse sakene også.

Vi har hatt totalt 62 medlemmer i løpet av året, som er meir enn vi har hatt på mange år, der 29 av dei er medlemmar under 16 år. 22 medlemmar har betalt baneleige.

Søknad Volda kommune

I år vart det bestemt at kommunen skal bygge den nye vegen ned til ridebana vår i samband med opprusting av Botnavegen. Den skal vere ferdig innan juni 2018. Vi jobbar med eit samarbeid med entreprenørar som skal bygge vegen for å få ein gunstig avtale om masseutfylling ved ridebana. Det er planlagt ridehall ovanfor ridebana, og det kan vere kjekt å få fylt ut den plassen til framtidige planar.

Jubileumsshow

I år har Volda rideklubb vorte 20 år. Vi hadde difor eit jubileumsshow i slutten av mai. Det var mange som møtte opp for å sjå innslaga av medlemmane i klubben. Det var innslag som voltige, kür, westernoppvisning og sprangduell. Det var også barneriding og junior-gymkhana for dei minste. Fleire av juniormedlemmane våre var med på innslaga på showet.



Dugnader

Vi har hatt kakesal frå Nordkak i påska og jula i år som gav fin inntekt til klubben. Elles har vi hatt forskjellige dugnader med harving av bana, fiksing av hindermateriell og sikring av toalettet etter stormen i jula.

Kurs og anna

Det har vore faste treningar for Silvia Førde om lag ein gong i veka gjennom året med mange deltakarar. Det har også vore treningar for Anja Kirketeig og Ida Kristine Standal. Vi har hatt eitt köyrekurs for Gunnar Bruland i samarbeid med Ørsta ride- og köyreklubb.

Juniorkurs

Vi har hatt 3 rideturar og 4 stalldagar i løpet av 2016. Vi hadde også ein rideleir i september som var stor suksess. 10 jenter fekk plass på leiren og delte to og to på kvar sin hest. Dei fekk både lære om stell og føring i stallen, ri på bane, ri på tur, ha teori og sitte i vogn i løpet av helga. Dette vart ei veldig vellykka helg.



Rjånes rideleir og andre

I juni vart vi hyra inn med 2 hestar på Rjånes ungdomsleir igjen. Dette er eit samarbeid vi er veldig glade for. I juli stilte vi opp på Haualeitet med 2 hestar for barneriding. I tillegg vart vi leigt inn av Volda næringsforum til barneriding med 2 hestar i sentrum før jul. Vi har hatt to økter med barneriding på ridebana i løpet av sommaren, slik at tilreisande og barn som er heime i ferien har eit tilbod.



Trivselsleiarar

Vi har tilbod om gratis stalldag for trivselsleiarane. Vi har ikkje fått noko førespurnad på dette i år.

Stemner og resultat

I år har vi arrangert tre interne klubbstemner i sprang på Vollane ridebane og eitt d-stemne i dressur. Det har vore vellykka stemner med god inntening for klubben sidan vi har fått støtte til stemna av lokale sponsorar.



Liv Jorunn Nyhagen deltok på Vestlandsmeisterskap i dressur, der vart det 7. plass i MB med Pokemann. Liv Jorunn og Pokemann vart elles kretsmeister dressur i Sogn og Fjordane både individuelt og for lag.

Fjordhest NM

Det stilte fem medlemmar frå klubben på Fjordhest NM i år; Ida Kristine Standal med Endrar, Randi Mork med Odin, Isabell Engjaberg Øye med Brautar, Tirill Alnes med Gløgg og Liv Jorunn Nyhagen med Pokemann. Isabell Engjaberg Øye og Brautar kom heim med den gjevaste utmerkinga; dei vann NM senior-klassen. Elles hadde resten av gjengen frå Volda gode plasseringar individuelt på NM.



Ida Kristine, Randi og Isabell vann den første uoffisielle lagkonkurransen. Liv Jorunn, som reid for Eid ride- og køyrekubb, tok bronse for senior og for lag. Ho fekk også 2. plass i greinmesterskap i dressur.



17. mai

På 17. mai stilte Volda rideklubb med hestar for 10. ande året på rad. Den rutinerte fjordingen Pokemann med Liv Jorunn Nyhagen har vore med alle 10 gongane. I tillegg stilte fjordingen Odin opp med Randi Mork på ryggen, og shetlandsponnien Enja med Julie Mathea Høgalmen, Edna Heltne og Vegard Holmin Rødset i vognna.



Det var første gong for Odin og Enja, og det takla dei veldig fint. Stine Risahagen Høgalmen, Linn Mork og Edle Holmin gjekk ved sidan av for å passe litt ekstra på. Lenger bak i toget gjekk resten av rideklubben med fana vår.

Sponsorar

Vi fekk støtte med Tussa i forbindelse med aksjonen Krafttaket, der vi skulle gjere ei gjenytting for lokalsamfunnet. Vi hadde vi eit veldig koseleg oppdrag der vi besøkte bebuarane ved og rundt Fjordsyn til å kome og helse på hestane Svarta og Linndi og hunden Linnsi. Det møtte mange opp i løpet av timen vi var der. Alle var begeistra for dyra og drømte om å få sitte i vogn eller ri ein gong.



Elles har vi hatt sponsorstøtte til stemner og på nettsida vår frå lokale sponsorar. Vi har fått støtte til tribune med Sparebank 1 til å ha ved ridebana.

Skrive av leiar Edle Holmin